



UNIVERSITÄTS-  
BIBLIOTHEK  
PADERBORN

## **Facilis Et Succincta S.S. Canonum Doctrina**

**Pirhing, Ehrenreich**

**Dilingæ, 1690**

§. X. Intra quod tempus licitum sponsis de præsentī, ante matrimonium consummatum, ingredi religionem?

---

[urn:nbn:de:hbz:466:1-61641](https://nbn-resolving.org/urn:nbn:de:hbz:466:1-61641)

## §. VIII.

*An propter adulterium spirituale, videlicet Apostasiam à fide, vel hæresin, in quam unus coniugum lapsus est, possit alter eo invito religionem ingredi, vel in ea profiteri?*

**S**i per sententiam legitimam iudicis Ecclesiastici, talis in infidelitatem, aut hæresin lapsus, tamquam hæreticus seu infidelis declaratus sit, & ab eo conjux innocens separatus sit, potest hic etiam invito illo, quamvis ad veram fidem redierit, religionem ingredi, & in ea profiteri, *c. mulier 21. h. s.* quamvis enim si propria auctoritate, & sine iudicio Ecclesiæ à conjuge in hæresin, aut infidelitatem lapsus decesserit fidelis, cum ad fidem iterum revertentem recipere teneatur conjux, qui in fide permanfit, ad multas fraudes cavendas, nec possit sine talis licentia ad religionem transire, si per auctoritatem Ecclesiasticam legitime ab eo separatus sit, cum possit perpetuo ab eo separatus manere, potest etiam sine alia licentia religionem ingredi, ac in ea profiteri *c. de illa 6. de divorciis*. Ecclesiâ scilicet privante per sententiam, omni jure matrimoniali, talem infidelem, aut hæreticum, in penam desertæ fidei.

## §. IX.

*An, & quo jure dissolvatur matrimonium ratum per professionem?*

**D**issolvi etiam quoad vinculum ratum matrimonium, si nondum consummatum sit per professionem religiosam, invito etiam altero conjuge factam,

constat ex *c. Verum 2. e. ex publico 7. c. ex parte, 14. & pluribus etiam h. s. capitulis, & ex Tridentino sess. 24. de matrim. can. 6.* (ita ut manens in iure ad alia vota, sive secundas nuptias transire possit.) non quidem ex natura, cum matrimonium sit ex natura sua indissolubile, sed ex jure Ecclesiastico antiquissimo tamen, ab Apostolicis temporibus introducto, in favorem licet majoris perfectionis, & ad Spiritus Sancti vocationem ad religionem promovendam, hunc transitum nihil prejudicantem concedente Ecclesiâ.

## §. X.

*Intra quod tempus licitum professo de presenti, ante matrimonium consummatum, ingredi religionem?*

**P**otest quidem quocumque tempore post matrimonium contractum, si nondum copulâ carnali consummatum illud fuerit, pars quælibet religionem intrare, & in ea profiteri, *ex c. tamen publico 7. h. s.* patet, quod si sponsa vel sponsus de presenti consummatum non velit matrimonium, sub prætextu quod velit ingredi religionem, casu ab eo præstetur, quod intra duos menses, vel intra tempus à iudice Ecclesiastico prescribendum, juxta varias circumstantias aut religionem ingredi, vel ad conjugem redire velit, ac matrimonialiter eadem cohabitare, ad quam cohabitationem etiam per censuram, post bitumtum cogi poterit, ita favori perfectionis consulente Ecclesiâ, ut transit per inutilem longiorem moram generetur.

præjudicium non patitur altera pars; neque tamen hoc bimestre tempus conceditur ab Ecclesia, quasi post duorum mensium lapsum statim profiteri deberet pars illa, quæ religionem ingressa fuit, cum integer annus ad probationem ei, uti aliis novitiis, in favorem scilicet religionis, concedatur; sed ad deliberandum, utrum ingredi velit religionis novitiatum, ita ut toto hoc tempore duorum v. g. mensium, intra quos de religionis ingressu deliberare potest pars, quæ vult religionem ingredi, & toto tempore novitiatus, utique dum in religionem tali proficere, exspectare debeat altera pars, quæ in sæculo manet, neque possit ad secundas nuptias transire ante professionem factam: quæ mora difficultas ei esse non debet, qui juris hujus gnarus, cum tali persona contraxit, & possit etiam à judice Ecclesiastico tali persone, si in fraudem alterius mariti v. g. multas religiones tentare velit, certum tempus præscribi, intra quod vel proficere, vel ad matrimonium redeat.

## §. XI.

*An sponsa de presenti possit religionem ingredi, si à sponso sibi carnaliter cognita per copulam violentè extortam?*

RResponderetur, si post bimestre, vel illud spatium, quod ipsi à judice Ecclesiastico ad deliberandum de ingressu concessum fuit, sponsa v. g. de presenti violentè fuit cognita, non potest amplius ingredi religionem, quia in tali casu, sicut jus nullum amplius habuit sponsa talis ad negandum debitum con-

jugale, ita alter habet jus petendi, & consequenter cogendo illam ad consummandum matrimonium, utitur jure suo, & censetur propriè, ac justè consummatum matrimonium, post quod non conceditur invito altero ingressus in religionem, ut ex dictis jam patet. Si verò intra tempus ad deliberandum concessum per vim opprimatur sponsa v. g. aut quando jam ingressa est religionem, ante factam tamen professionem, potest nihilominus invito etiam sponso ingredi religionem, vel in ea profiteri, cum per injuriam talem copulæ injustè extorta, non potuerit ipsi libertas ad religionem transeundi adiri, ne alteri ex injuria talis à se illata commodum aliquod accedat, & patiatur aliquid in jure suo injustè violata (nisi per accidens aliunde ratione damni alicujus impeditur ab ingressu talis violata) absque consensu tamen hujus, sicuti postea non potest ingredi religionem maritus talis, ita ex probabiliore non potest, etiamsi violata taliter in religione proficere, ad secundas nuptias transire, cum per talem violentam copulam verè consummaverit matrimonium, qui violentiam intulit.

## §. XII.

*An & qua ratione conjugatus possit, vel non possit ordines suscipere, vel ad Episcopatum assumi?*

NOn posse conjugatum ad sacros ordines promoveri, nisi uxor licentiam dederit, decernitur in *a. conjugatus s. b. s.* sive consummatum sive ratum tantum sit matrimonium, ut ne scilicet per

Ffff 2

talem